

植物名實圖考

植物名實圖考卷之二十八

固始吳其濬著

蒙自陸應穀校刊

羣芳

風蘭 又一種

獨占春

雪蕙

朱蘭

春蘭

虎頭蘭

朵朵香

雪蘭 又一種

夏蕙

小綠蘭

大綠蘭

蓮瓣蘭

元旦蘭

火燒蘭

大理風蘭

五色蘭

大珠砂蘭

小珠砂蘭

佛手蘭

天蒜

蘭花雙葉草

紅花小獨蒜

黃花獨蒜

羊耳蒜

鴨頭蘭花草

鸞鸞蘭

象牙參

小紫含笑



風蘭

風蘭生雲南作叢望之如碧蘆葉微苞莖潤肥對排花與淨瓶
無異此種植之盆缶亦茂



風蘭 一名淨瓶

風蘭生雲南臨安橫根根上先生綠實大如甜瓜有棱形似田家礩碌實上生長柄二葉葉闊寸許光潤無瑕中軸莖開花先有黃籜籜圻落而花見色皓潔如雪蘭中二瓣窄細舌有黃粉邊茸茸如翦絨莖花欹弱翩反欲舞懸之風中不萎桂馥札璞五月開日淨瓶似瓜生石上兩葉一大一小廣寸許花如雪蘭而小卽此

獨占春

五

羣芳卷之二十八



獨占春

獨占春與虎頭蘭花同而色白潤潔無纖縷心有稀疎褐點開
久近帶處微頰幽香雖乏靜趣彌長一莖一花葉細柔同素心
蘭其兩三花者爲雪蘭

魚...
...
...

雪蕙

羣芳卷之二十六



雪蕙

雪蕙生雲南一枝數花秋末開



朱蘭

朱蘭雲南山中有之葉光潤似銅紫蘭而寬冬間初紅漸淡有

香



春蘭

春蘭葉如麤蘭直勁不欹一枝數花有淡紅淡綠者皆有紅縷瓣薄而肥異於他處亦具香味

虎頭蘭



虎頭蘭

虎頭蘭碩大多紅絲心尤斑斕有色無香能耐霜雪又一種色
綠無紅縷者名碧玉蘭將殘始露赤脈



朵朵香

朵朵香細葉柔韌一箭一花綠者團肥宛如撚蠟黃者瘦長縷以朱絲皆饒清馥又有一箭兩花者名雙飛燕



雪蘭

雪蘭大如虎頭蘭色白微頰心如渥丹一枝或一花或兩花無香

雪蘭

羣芳卷之二十八



雪蘭

雪蘭此又一種細瓣繚繞中心似筍紅黃渲染亦乏香氣

夏其愚

上

羣芳卷之三十八



夏蕙 大理書

夏蕙葉直如劍迎風不動一莖數花鶯黃色五六月開幽香不

減素蘭

小綠蘭

三

羣芳卷之三十八



小綠蘭

小綠蘭葉柔綠幹綠花白舌一莖四五花名春綠又名雲蘭出
蒼山石壁香幽和品最貴常在雲氣中也

大綠蘭

三

羣芳卷之二十八



大綠蘭 大理畫

大綠蘭一本十餘葉一幹十餘花花綠舌紅高出葉外名冬綠



蓮瓣蘭

蓮瓣蘭有紅綠白黃各色白者香尤烈

元旦蘭

五



羣芳卷之三十八

元旦蘭

元旦蘭卽蓮瓣之一種葉瘦如韭花白如玉元旦開

火
燒
蘭

羣
芳
卷
之
二
十
八



火燒蘭

火燒蘭滇山皆有之葉粗黃花背黑似火燒者花碧香烈春杪
盛開



大理風蘭

羣芳卷之三十八

風蘭 大理

風蘭葉短幹長花碧生石厓古木上挂檐間卽活

本草綱目卷之二十八

五色蘭



羣芳卷之二十八

五色蘭 大理

五色蘭葉柔小一枝十餘花紅黃紫綠互相間雜滇南蘭之最異者士女珍佩之

大硃砂蘭

七

羣芳卷三十六



植物名實圖考
大硃砂蘭

大理

大硃砂蘭葉長闊一莖數十花朱色秋開

小砾砂蘭



小硃砂蘭

大理

小硃砂蘭葉短一莖數花尤韻

佛手蘭

羣芳卷之三十八



佛手蘭

佛手蘭生雲南根如蒜大於蔓菁環生衆根如九子芋葉長二三尺似蔞草寬寸餘光滑細膩同文殊蘭而根色深紫突出土上葉傍逆莖扁闊挺立發苞孕蕾花在苞中鉤屈如佛手柑故名花形開放逼似玉簪紫豔照耀內外六瓣瓣外紫內白中亦紫稍淡五六長鬚黑紫端有橫蕊深黃一苞五六花先後參差可半月餘然老本亦僅一箭新莖未易有花也

天蒜

三


羣芳卷之二十八



天蒜

天蒜雲南圃中植之根葉與佛手蘭無異唯花色純白紫髮線繞橫綴黃蕊按閩中金燈花亦名天蒜未知與此同異

蘭花雙葉草



羣芳卷之三十八

蘭花雙葉草

蘭花雙葉草生滇南山中雙葉似初生玉簪葉微有紫點抽短莖開花如蘭上一大瓣下瓣微小兩瓣傍抱中舌厚三四分如人舌正圓色黃白中凹嵌一小舌如人咽色深紫花瓣皆紫點極濃土醫云此真蘭花雙葉草也滇本草所載卽此



紅花小獨蒜

紅花小獨蒜根如小蒜大如指葉如初生茅草高五六寸傍發紫箭開小紫紅花五瓣微尖亦似蘭花而極小心尤嬌豔土人云與黃花者一類大小二種



黃花獨蒜

一名老鴉蒜

黃花獨蒜生雲南山中根如小蒜葉似初生櫻葉而窄又似虎頭蘭葉而短有皺傍發箭開五瓣黃花紫紅心似蘭花白及葶而瓣圓短

羊耳蒜



羣芳卷之三十六

羊耳蒜

羊耳蒜生滇南山中獨根大如蒜赭色初生一葉如玉簪葉卽從葉中發莖開褐色花中一瓣大如小指甲夾以二尖瓣又有三尖鬚翹起蓋黃花小獨蒜之種族



鴨頭蘭花草

鴨頭蘭花草生雲南太華諸山黑根細短尖葉內翕抱莖齊生似玉簪抽葶葉而長又肥內綠外淡有直勒道莖梢發又開白綠花微似蘭花有柄長幾及寸三瓣品列中瓣後復有一大瓣色淡花心有紫暈微凸心下近莖出雙尾白縷如翦燕尾分翹野卉中具纖巧之致



鷺鷥蘭

鷺鷥蘭雲南圃中多有之葉如葭草翕而皺夏抽葶開花六瓣
六蕊瓣白蕊黃間以細鬚志謂之鷺鷥毛以其潔白纖細如執
鷺羽舒苞襯萼沐露刷風佇立階墀靜態彌永桂馥札璞謂爲
蘭之別派無香有韻覺虎頭碩大神意皆癡

象牙參

七

羣芳卷之三十八



象牙參

象牙參生滇南山中初茁芽卽作苞開花如白及花而多窄瓣
一苞四五朵陸續開放花罷生葉似吉祥草而闊根如麥門冬
土醫云治半身不遂痿痺弱證



小紫含笑

小紫含笑生雲南山中紫莖抱葉梢垂紫苞開口如笑內露黃
白瓣掩映參差難爲形擬一名青竹蘭